



Ad hoc komisija Parlamentarne skupštine Bosne i
Hercegovine za sprovođenje postupka imenovanja
Savjeta Regulatorne agencije za komunikacije Bosne i
Hercegovine

Ad hoc komisija Parlamentarne skupštine Bosne i
Hercegovine za provođenje postupka imenovanja Vijeća
Regulatorne agencije za komunikacije Bosne i Hercegovine

Ad hoc povjerenstvo Parlamentarne skupštine Bosne i
Hercegovine za provođenje postupka imenovanja Vijeća
Regulatorne agencije za komunikacije Bosne i Hercegovine

Broj: 01,02-50-16-2325-2-6/23
Sarajevo, 29.11.2023.

Na osnovu čl. 7. i 8. Zakona o ministarskim imenovanjima, imenovanjima Vijeća ministara i drugim imenovanjima Bosne i Hercegovine („Službeni glasnik BiH“, broj 37/03), člana 39. Zakona o komunikacijama („Službeni glasnik BiH“, br. 31/03, 75/06, 31/10 i 98/12) i Odluke Ad hoc komisije o raspisivanju javnog konkursa, broj: 01,02-50-16-2325-2-5/23 od 29.11.2023. godine, Ad hoc komisija Parlamentarne skupštine Bosne i Hercegovine za provođenje postupka imenovanja članova Vijeća Regulatorne agencije za komunikacije Bosne i Hercegovine (u daljnjem tekstu: Komisija) raspisuje:

JAVNI KONKURS

ZA PROVOĐENJE POSTUPKA IMENOVANJA ČLANOVA VIJEĆA REGULATORNE AGENCIJE ZA KOMUNIKACIJE BOSNE I HERCEGOVINE

Javni konkurs raspisuje se za izbor sedam članova Vijeća Regulatorne agencije za komunikacije BiH (u daljnjem tekstu: Vijeće Agencije) na period od četiri godine, s mogućnošću samo još jednog ponovnog imenovanja.

1. NADLEŽNOSTI VIJEĆA AGENCIJE:

- vodi Agenciju u pogledu strateških pitanja provođenja Zakona;
- obavlja konsultacije s generalnim direktorom i prima od njega izvještaje;
- usvaja kodeks rada i pravila za emitiranje i telekomunikacije;
- ima funkciju apelacionog tijela za odluke koje donosi generalni direktor;
- usvaja prijedlog godišnjeg budžeta Agencije;
- donosi etički kodeks.

2. USLOVI

Članovi Vijeća Agencije imenuju se na osnovu ličnih sposobnosti kao pojedinci koji imaju relevantno iskustvo u oblasti telekomunikacija i emitiranja, te moraju ispunjavati sljedeće opće i posebne uslove:

2.1. OPĆI USLOVI

Kandidat za člana Vijeća Agencije mora ispunjavati sljedeće opće uslove:

- da je državljanin Bosne i Hercegovine, stariji od 18 godina;
- da protiv njega nije pokrenut krivični postupak za krivično djelo za koje je predviđena kazna zatvora tri i više godina;
- da nije otpušten iz državne službe u institucijama Bosne i Hercegovine, odnosno entiteta kao rezultat disciplinske mjere u periodu od tri godine prije dana objavljivanja upražnjene pozicije;
- da nije obuhvaćen odredbom člana IX. stav 1. Ustava Bosne i Hercegovine;
- da nije zvaničnik na bilo kojem nivou vlasti ili član tijela političke stranke.

2.2. POSEBNI USLOVI

Kandidat za člana Vijeća Agencije mora ispunjavati sljedeće posebne uslove:

- da ima završen fakultet tehničkog ili društvenog smjera, VSS, odnosno po Bolonjskom sistemu studiranja najmanje 240 ECTS bodova;
- da ima najmanje pet godina radnog iskustva na poslovima iz djelokruga Agencije, utvrđenih Zakonom o komunikacijama;
- da poznaje problematiku poslovanja i emitiranja javnih i komercijalnih elektronskih medija i
- da ima iskustvo na poslovima telekomunikacija i emitiranja.

3. POTREBNI DOKUMENTI

Uz prijavu, kandidati su dužni dostaviti sljedeće dokumente:

- 1) svojeručno potpisanu biografiju sa izjavom o nacionalnom opredjeljenju, adresom, e-mail adresom i kontakt-telefonom;
- 2) uvjerenje o državljanstvu BiH (ne starije od šest mjeseci);
- 3) fakultetsku diplomu (nostrificiranu diplomu, ako fakultet nije završen u BiH ili je diploma stečena u drugoj državi nakon 6. 4. 1992), a kandidati koji su visoko obrazovanje stekli po Bolonjskom sistemu školovanja – najmanje 240 ECTS bodova - uz diplomu trebaju dostaviti i dodatak diplome);
- 4) dokaz o traženom radnom iskustvu na poslovima iz djelokruga Regulatorne agencije za komunikacije, izdat od relevantne institucije;
- 5) izjavu kandidata da nije otpušten iz državne službe u institucijama Bosne i Hercegovine, odnosno entiteta kao rezultat disciplinske mjere u periodu od tri godine prije dana objavljivanja upražnjene pozicije (ovjerenu od nadležnog organa);
- 6) uvjerenje da se protiv njega ne vodi krivični postupak (izdaje nadležni sud – ne starije od tri mjeseca);

- 7) izjavu kandidata da nije obuhvaćen odredbom člana IX. stav 1. Ustava Bosne i Hercegovine (ovjerenu od nadležnog organa);
- 8) izjavu kandidata da nije zvaničnik na bilo kojem nivou vlasti ili član tijela političke stranke (ovjerenu od nadležnog organa);
- 9) izjavu kandidata da je upoznat s članom 22. Etičkog kodeksa Regulatorne agencije za komunikacije – (nedozvoljene aktivnosti članova Vijeća i generalnog direktora), (ovjerenu od nadležnog organa). Kodeks je dostupan na veb-stranici Agencije.

Dokumenti se dostavljaju u originalu ili ovjerenoj kopiji.

Napomena: Dokumenti priloženi uz prijavu na javni konkurs neće se vraćati kandidatima, s obzirom na odredbe člana 16. Zakona o ministarskim imenovanjima, imenovanjima Vijeća ministara i drugim imenovanjima Bosne i Hercegovine.

4. POSTUPAK

Komisija će provesti proceduru u skladu sa Zakonom o ministarskim imenovanjima, imenovanjima Vijeća ministara i drugim imenovanjima Bosne i Hercegovine.

S kandidatima koji ispunjavaju uslove javnog konkursa bit će obavljen intervju, o čemu će kandidati biti blagovremeno obaviješteni. Cilj intervjuja je da se utvrdi stručnost i osposobljenost kandidata za obavljanje poslova, te krajnja i sveukupna ocjena kandidata.

Kandidat je obavezan otkriti bilo koju činjenicu koja bi mogla dovesti do sukoba interesa u slučaju imenovanja.

U skladu s članom 39. Zakona o komunikacijama („Službeni glasnik BiH“, br. 31/03, 75/06, 32/10 i 98/12), Komisija nakon provedene procedure utvrđuje listu od 14 najuspješnijih kandidata i dostavlja je Vijeću ministara Bosne i Hercegovine. Vijeće ministara Bosne i Hercegovine, u roku od 30 dana od dana zaprimanja ove liste, dostavlja Parlamentarnoj skupštini Bosne i Hercegovine prijedlog za imenovanje sedam članova Vijeća Agencije.

5. PODNOŠENJE PRIJAVA

Javni konkurs objavljuje se u „Službenom glasniku BiH“, „Službenom glasniku Brčko Distrikta BiH“, na internetskoj stranici Parlamentarne skupštine Bosne i Hercegovine, te u dnevnim listovima: „Glas Srpske“, „Oslobođenje“ i „Večernji list“.

Javni konkurs ostaje otvoren 15 dana od dana objavljivanja u „Službenom glasniku BiH“.

Prijave s traženim dokumentima dostavljaju se lično ili poštom preporučeno, uz upozorenje „ne otvarati“, na adresu:

Parlamentarna skupština Bosne i Hercegovine

Ad hoc komisija Parlamentarne skupštine Bosne i Hercegovine za provođenje postupka imenovanja članova Vijeća Regulatorne agencije za komunikacije Bosne i Hercegovine

„JAVNI KONKURS za provođenje postupka imenovanja članova Vijeća Regulatorne agencije za komunikacije Bosne i Hercegovine“ s naznakom „NE OTVARATI“

71000 Sarajevo, Trg BiH br.1

NAPOMENA* Neblagovremene, nepotpune i neuredne prijave neće biti razmatrane.